

## BOSNA I HERCEGOVINA - БОСНА И ХЕРЦЕГОВИНА

*Agencija za razvoj visokog obrazovanja  
i osiguranje kvaliteta/kvalitete  
Bosne i Hercegovine  
Banja Luka*



*Агенција за развој високог образовања  
и обезбјеђивање квалитета  
Босне и Херцеговине  
Бања Лука*

### **Saopštenje sa 4. sjednice Upravnog odbora Agencije za razvoj visokog obrazovanja i osiguranje kvaliteta**

održane 27.10.2021. godine u Sarajevu

Informacija o procesu akreditacije studijskih programa sa prijedlogom zaključaka o modelima akreditacije studijskih programa u Bosni i Hercegovini bila je centralna tema 4. sjednice Upravnog odbora Agencije, kojom je predsjedavao predsjednik prof. dr Mitar Perušić.

„Pitanje akreditacije studijskih programa je jedno od najvažnijih pitanja u osiguranju kvaliteta u visokom obrazovanju. Zbog toga je ključno da akreditacija studijskih programa ne bude birokratska procedura, već da zaista doprinosi kvalitativnom iskoraku na polju visokog obrazovanja“, rekao je direktor Agencije, prof. dr Enes Hašić obraćajući se članovima UO Agencije. On je istakao da se postavlja pitanje da li je dosadašnji model svrsishodan i da li zaista doprinosi razvoju visokoškolskih ustanova i boljem obrazovanju. „Smatramo da bi iznalaženje efikasnijeg modela akreditacije studijskih programa, usklađenog sa evropskim standardima i smjernicama u ovoj oblasti, bilo od suštinske važnosti, te je u tom smislu vrlo važna podrška Upravnog odbora Agencije u definiranju strateških smjernica u izradi modela akreditacije studijskih programa“, zaključio je Hašić.

Tokom rasprave, članovi Upravnog odbora su jednoglasno podržali direktora Hašića i napore Agencije u pripremi novih modela akreditacije studijskih programa ističući da su promjene neophodne te da će doprinijeti razvoju i unapređenju kvaliteta u visokom obrazovanju.

Četvrta sjednica UO završena je prihvatanjem predmetne informacije i zaključaka prema kojima bi se postupci akreditacije ustanove i njenih studijskih programa, u pravilu, odvijali sinhronizirano, a samo izuzetno visokoškolske ustanove bi mogle pojedine studijske programe akreditirati i u posebnim postupcima.